



NORDHORDLAND OG GULEN IKS  
Lindåsvegen 1260  
5956 HUNDVIN

Saksbehandlar, innvalstelefon  
Ingrid Torsnes, 5557 2320

## Rapport frå inspeksjon ved NGIR IKS - Kjevikdalen

Kontrollnummer: 2024.069.I.SFVL

### Kontaktpersonar ved inspeksjonen

Frå verksemda:  
Ole Henry Olsen  
Tom Willy Grongan  
Hans Rune Valle

Frå Statsforvaltaren i Vestland:  
Mari Katrine Berg-Arnesen  
Ingrid Torsnes

### Resultat frå inspeksjonen

Denne rapporten gjeld resultatet frå inspeksjon ved Nordhordland- og Gulen IKS (NGIR IKS) den 28. mai 2024. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Statsforvaltaren i Vestland avdekka 1 avvik og ga ingen merknader under inspeksjonen.

#### Avvik:

1. Internkontrollen har manglar

Avvik og merknader er nærare omtalte frå side 3 og utover i rapporten. Oppfølginga etter inspeksjonen er nærare omtalt på side 2.

Med helsing

Mari Katrine Berg-Arnesen  
senioringeniør

Ingrid Torsnes  
senioringeniør

*Dokumentet er elektronisk godkjent*

Kopi til: ALVER KOMMUNE

Postboks 4

5906

FREKHAUG



## 1. Informasjon om den kontrollerte verksemda

### Ansvarleg eining

<b>Namn:</b> Nordhordland og Gulen IKS	
<b>Org.nr.:</b> 974702568	<b>Eigd av:</b> 856167402
<b>Bransjenr. (NACE-kode):</b> 38.219 Behandling og disponering av ikkje-farleg avfall	

### Kontrollert eining

<b>Namn:</b> NGIR Kjevikdalen	<b>Anleggsnr.:</b> 4631.0039.01
<b>Kommune:</b> Alver	<b>Fylke:</b> Vestland
<b>Anleggsaktivitet:</b> Farleg avfall – mottak og mellomlagring	
<b>Løyve gitt:</b> 19. mai 2017	<b>Sist endra:</b> 19. september 2017

## 2. Bakgrunn for inspeksjonen

Tilsynet er gjennomført for å kontrollere om gjeldande krav som er fastsette i eller med heimel i forureiningslova, vert haldne. Vår heimel for å føre tilsyn er forureiningslova § 48. Rapporten gir ingen fullstendig tilstandsvurdering av verksemda sitt miljøarbeid eller miljøstatus.

Tilsynet vart gjennomført som ein del av den nasjonale tilsynsaksjonen retta mot anlegg som tek imot og mellomlagrar farleg avfall. Aksjonen er ei oppfølging av tidlegare tilsvarande aksjonar, sist i 2018. Tilsynet er ein del av Statsforvaltaren sitt risikobaserte tilsyn.

### Inspeksjonstema

- mottakskontroll av avfall
- lagring og merking av farleg avfall
- vidarelevering av farleg avfall
- utslepp til vatn
- internkontroll, inkl. risikovurdering og avviksbehandling

### Definisjonar

**Avvik:** Manglande etterleving av krav fastsette i eller med heimel i lov.

**Merknad:** Eit tilhøve som tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

**Andre tilhøve:** Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifiserte som avvik eller merknader, kan også inngå her.

## 3. Oppfølging etter inspeksjonen

NGIR IKS pliktar å rette opp avvika som er omtalte i denne rapporten så snart som råd.

For at Statsforvaltaren skal kunne avslutte saka, ber vi om at de innan **1. oktober 2024** sender ei skriftleg utgreiing som viser korleis avvik er retta og kva tiltak som er gjennomførte eller planlagde.



## 4. Vedtak om gebyr

Vi viser til informasjon og varsel om gebyrplikt som vart gitt til verksemda 28. mai 2024. Verksemdar skal betale gebyr for kontrollar utførte av Statsforvaltaren i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemdar etter forureiningslova er fastsette i forureiningsforskrifta §§ 39-7 og 39-8.

På bakgrunn av forventa ressursbruk må NGIR IKS betale eit gebyr på 38 900 kroner for inspeksjonen, jf. forureiningsforskrifta § 39-7. Dette svarer til gebyrsats 1 for tilsyn av inntil ein dag. Miljødirektoratet vil sende dykk ein faktura for innbetaling til statskassa. Statsforvaltaren viser elles til forureiningsforskrifta kapittel 39 om innkrevjing av gebyr til statskassa.

### Klagerett

Vedtaket om gebyr kan klagast på til Miljødirektoratet innan tre veker, jf. §§ 28 og 29 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men han skal sendast via Statsforvaltaren i Vestland. Statsforvaltaren vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagen til følge, vil for mykje innbetalt beløp bli refundert.

## 5. Innsyn

Denne rapporten vil vere offentleg tilgjengeleg via postjournalen til Statsforvaltaren i Vestland (jf. offentleglova).

## 6. Avvik

Vi fann følgjande avvik under inspeksjonen:

### Avvik 1: Internkontrollen har manglar

#### Avvik frå:

Internkontrollforskrifta § 5 andre ledd

- punkt 6 om risikovurdering
- punkt 7 om rutinar

#### Kommentarar til regelverket

*Risikovurdering - § 5 andre ledd punkt 6*

Verksemda skal kartlegge farar og problem og vurdere risiko. På bakgrunn av dette skal ein lage handlingsplan for å redusere risikoforholda. I handlingsplanen skal det gå fram tiltak, ansvarleg og frist for når tiltaka skal vere gjennomført. Risikovurdering og handlingsplan skal vere skriftleg.

*Rutinar - § 5 andre ledd punkt 7*

Verksemda skal ha rutinar for å avdekke, rette opp og førebygge brot på miljøregelverket. Rutinane skal vere dokumenterte og vere ein del av internkontrollen. Rutinar skal dokumenterast skriftleg og sikre at verksemda følgjer krav i miljøregelverket.



## Observasjonar

Verksemda kan ikkje dokumentere vurderingane som er gjort kring kva for farlege avfallsfraksjonar som kan lagrast ved sidan av kvarandre, og kva fraksjonar som må lagrast med avstand.

Det er ikkje laga skriftleg rutine for verifisering av lovleg mottaksanlegg ved vidareending av avfall.

Eigenkontrollrapporten for 2023 viser at massebalansen ikkje stemmer når det gjeld lagerstatus, inngåande og utgåande mengder farleg avfall.

Eigenkontrollrapporten for 2023 viser overskriding av grenseverdien for oljeutskiljaren. Dette er ikkje registrert som eit avvik.

## 7. Merknader

Vi gav ingen merknader under inspeksjonen.

## 8. Andre forhold

### Behandling og lagring av trykkimpregnert trevirke

NGIR IKS har tidlegare fått avvik på at knusing og lagring av impregnert trevirke ikkje skjer i samsvar med krav i løyvet. Vi har difor ikkje gjentatt dette avviket i denne rapporten. Det er i siste tilbakemelding sagt at endring i reguleringsplanen kan bli ferdige hausten 2024 og at planlagt bygg kan vere ferdig sommaren 2025. Statsforvaltaren har tatt tilbakemeldinga til orientering, og forutsett at avviket blir retta opp i samsvar med handlingsplanen. Vi ber om rapportering av framdrift når de svarar ut avvika i denne inspeksjonsrapporten.

### Industriutsløppsdirektivet

Verksemda har løyve til å lagre meir enn 50 tonn farleg avfall og er dermed omfatta av industriutsløppsdirektivet (IED). Dette vil vere gjeldande for verksemda når vilkåret er inkludert i utsløpsløyvet.

Det er eit krav for alle IED-bedrifter at ein skal vurdere behovet for forureiningstilstanden i grunn og grunnvatn og utarbeide full tilstandsrapport dersom ein mistenker forureining i grunnen.

## 9. Dokumentunderlag

Lovgrunnlaget for inspeksjonen var:

- forureiningslova
- avfallsforskrifta
- forureiningsforskrifta
- internkontrollforskrifta
- løyve til verksemd etter forureiningslova frå Statsforvaltaren